

سنه لکى در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

تذکره محاکمات

آبونه اولق ایستینلر دائره عدلیه ده
اداره مخصوصه سنه مراجعت
ایملیدر

اعلاناتک بهرندن بر مجیدیه اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

توضیحات

وظائف مودوعه لرینی حسن ایفا ایلکده اولمیرینه
مبنی یانیه ولایتی استیناف محکمه سی مدعی عمومی
رفعتلو سعاده افندییه ترفیعاً وادرنه ولایتی عدلیه
مفتش معاونی سداد بکه مجدداً رتبه ثالثه توجیه
بیورلشدر .

محاکمات مقدماتی

رقه لر قضاسی بدایت محکمه سی مدعی عمومی
معاون سابق محمد امین افدینک اوراق انفصالیه
ومدافعه نامه سی انجمن انتخاب مأمورین عدلیه جه
لدی التدقیق جواز استخدامنه قرار ویرلشدر .

محکمه تمیز حقوق دائره سندن تنظیم واعطا

اولنان اعلامدر :

آطنه ولایتی استیناف محکمه سی جزا دائره سندن
لاحق اولوب ١ مارت سنه ٣٢١ تاریخده تفهیم قلنان
قراری حاوی ١٧ کانون اول سنه ١٣٢١ تاریخلی وایکی
یوز قرق ایکی عددلی اعلامک تمیزاً تدقیقی مستدعی
ولایت مذکوره اورمان اداره سی دعوی وکیلی
طرفندن ویریلان ١ مارت سنه ٣٢٢ تاریخلی استدعاینامه
واوراق متفرعه سی باش مدعی عمومیک مأموریت
بهیه سنک ٢٩ اغستوس سنه ٣٢٢ تاریخلی تبلیغنامه سی
ایله محکمه تمیز استدعا دائره سنه تودیع اولمش
ولدی التدقیق استدعاینامه مذکورک مدت قانونیه سی
ظرفنده ویرلش اولدینی اکلاشلمش اولغله بالقبول
تدقیقات تمیزیه اجرا سنه ابتدار قلندی .

اعلام مذکورک خلاصه مالی بلا رخصت میری
اورمانندن اشجار قطع ایتدیکی ادعاسیله مظنون علیه
اولان سلفکهنک قره قیاقریه سی اهلایسندن عبدالرحمن
بن قره حسن حقنده بدایه اجرا قلنان محاکمات
وتدقیقات نتیجه سنده مظنون مرقومک قطعیات

واقعیه سی مقام متصرفی ایله بلدییه دائره سی وتلغراف
اداره سنک امر رسمیلرینه مستند اولمسنه وبواسیه
اورمان نظامنامه سی خلافده بلا رخصت قطعیمانندن
معدود اولماسنه مبنی مظنون مرقوم عبدالرحمنک
عدم مسئولیتنه دائر لاحق اولان اعلام علیه نه اورمان
اداره سی وکیلی طرفندن اقامه ایدیلان استیناف
دعواسی اوزرینه جریان ایدن محاکمه وتدقیقات
استینافیه نتیجه سنده حکم ابتدائی مذکورک اسباب
موجبه یه مستند وجریان محاکمه اصول وقانونه موافق
اولوب لایحه استینافیه ده درمیان اولنان اعتراضات
فسخ حکمی مستلزم اسباب قانونیه دن کوریه لمدیکنندن
حکم ابتدائیک تصدیقنه قرار ویرلدیکنندن عبارتدر .
لایحه تمیزیه ده قطعیات مذکوره مرقوم عبدالرحمن
اوزرنده تقرر ایدهرک مرقومک علی الاصول اورمان
اداره سی طرفندن رخصت آلمسی اصولاً مقتضی ایکن
بلا رخصت قطع ایله کراسته نقل ایلدیکی کندوسنک
اقراری وضبط ورقه سی مندرجاتی ومناقضه قائمه سی
ایله ثابت اولدیغنه وجهات سائریه دائر اعتراض
سردیله اعلام میزبهک نقضی استدعا قلنشدر .

تبلیغنامه ده دخی تمیز استدعاینامه سنده سرداولنان
اعتراضات مندرجات اعلامه نظراً غیروارد کورندیکی
بیانیله مذکور تمیز استدعاینامه سنک ردی طلب
اولنشدر .

ایجابی لدی المذاکره قطعیات ایچون دائره
عائده سنک رخصت رسمیه سی موجود اولوب اولمدینی
مسئله سی تدقیق اولنق لازم کلور ایکن مذکور
اچاچلرک بردائره رسمیه ایچون قطع اولمش اولدینی
بیانیله اشبو لازمه قانونیه دن ذهول اولنسی وشو
صورته ده استماع شهوده محل کوریه مامسی مخالف
قانون اولدینی حالده محکمه استینافیه جه مستلزم فسخ
اولان نواقص وخطیأت مذکوره نظر اعتیایه
آلنقسنزین تصدیق یولنده قرار اتخاذه یولسز
ونقض حکمی مستلزم اسباب قانونیه دن بولنمش
اولدیغندن اصول محاکمات جزاییه قانوننک اوچیوز
اون دردنجی و اوچیوز اون طقوزنجی ماده لر

احکامنه توفیقاً اعلام میزبهک نقضنه واشبو اعلامک
خرجی اولان ایکی یوز غروشک مستدعی اورمان
اداره سندن تحصیلنه ١٤ اغستوس سنه ٣٢٣ تاریخده
متفقاً قرار ویرلدی .

سلیمان جلیک اثنای راهده مسلحاً اوکنه
چیقه رق برکبه سیله تقدینی غصب ایتدیکلری ادعا
اولنسنندن دولای جنایتله اتهام اولنان محمد وقایماغک
اوچر سنه مدته کورک قونلرینه وصالحک برائنه
دائر برات سنجانی بدایت محکمه سی جزا دائره سندن
ویریلان ١٨ نومرولی اعلام

لازار قرازووک صمانغنی قصداً احراق ایتدیکی
ادعا اولنسنندن دولای جنایتله اتهام اولنان مترنک
اوچر بحق سنه مدته کورک قونلنسنه دائر سیروز
سنجانی بدایت محکمه سی جزا دائره سندن ویریلان
١٦٦ نومرولی اعلام

تجاردن حاجی یورکییه تهدید صورتیه مکتوب
یازهرق پاره طلب ایتدیکی ادعا اولنسنندن دولای
جنایتله اتهام اولنان یورکینک درت سنه مدته کورک
قونلنسنه دائر درامه سنجانی بدایت محکمه سی جزا
دائره سندن ویریلان ٤٩٣ نومرولی اعلام

کریاقو محله لی انسپاش اوغلی قوکیوس دیمترونی
ضرب ایدهرک وفاتنه سببیت ویردیکی ادعا اولنسنندن
دولای جنایتله اتهام اولنان خرملوبونک بش سنه
مدته کورک قونلنسنه وخرملوبونی ضرب ایدهرک
اطاله لسان ایدن مقتولک همشیره سی النقا کینک اون
کون حبسنه دائر قرق کلیسا سنجانی بدایت محکمه سی
جزا دائره سندن ویریلان ٢٩٣ نومرولی اعلام

چوروملی آرابه جی احمدک اسبنی ویولجی سینکریمک
اچهنی اخذ وسرقت ایتدیکی ادعا اولنسنندن دولای
جنایتله اتهام اولنان شکرچی حسنک بش سنه مدته
کورک قونلنسنه دائر آماسیه سنجانی بدایت محکمه سی
جزا دائره سندن ویریلان ٤٨ نومرولی اعلام
قورد آغلی قریه لی سلیمانی قتل ایتدیکی ادعا
اولنسنندن دولای جنایتله اتهام اولنان حمزه نک اون

بش سنه مدته کورکه قونلسنه دائر توقاد سنجای بدایت محکمه سی جزا دائره سندن ویریلان ۴۴۲ نومرولی اعلام

اوجاز قریه لی شاکر بن عبد اللهی قتل قصدیه جرح ایتدکری ادعا اولمسندن دولای جنایتله اتهام اولان ایوبک حبس خانه ده وقوع وفاتیله حقوق عمومی دعواسنک سقوطه و برادری صاروانک اوج سنه مدته کورکه قونلسنه دائر سرفیجه سنجای بدایت محکمه سی جزا دائره سندن ایکنجی دفعه اوله رق ویریلان ۳۷۹ نومرولی اعلام

ایجه صوقریه لی خلی قتل ایتدیکی ادعا اولمسندن دولای جنایتله اتهام اولان یوسفک حین ایقاع جرمدہ اون بریاشنده صبی غیر یمز بولدیغی اکلاشلمغله قرقچی ماده قانونیه حکمنجه کفالت قویه ربطله پدرینه تسلیمه دائر چوروم سنجای بدایت محکمه سی جزا دائره سندن ویریلان ۱۷ نومرولی اعلام

ذهنی اوغلی زوجہ سی فاطمہ ی قتل ایتدیکی ادعا اولمسندن دولای جنایتله اتهام اولان محمدک اون بش سنه مدته کورکه قونلسنه دائر کوتاھیه سنجای بدایت محکمه سی جزا دائره سندن ایکنجی دفعه اوله رق ویریلان ۲۶۳ نومرولی اعلام

منلا اوغلی صادقی ضرب ایله صاغ کوزنیک رؤیتدن محرومیتہ سببیت ویردیکی ادعا اولمسنندن دولای جنایتله اتهام اولان حسنک اوج سنه مدته کورکه قونلسنه وسعیدک برائنه دائر ارطغرل سنجای بدایت محکمه سی جزا دائره سندن ویریلان ۶۵۱ نومرولی اعلام محکمه تمیز جزا دائره سنجہ تصدیق قلمشدر .

در سعادت جنایت محکمه سندن تنظیم واعطا قتلان اعلامدر :

اوجیوز یکرمی ایکی سنه سی کانون اولنک یکرمی برنجی جمعه کیجہ سی ساعت ایکی ییحق راده لرنده قاسم پاشاده زنجیری قیوده مصطفانک قهوه خانه سی اوکنده بالنازعه محمدی قتل قصدی ایله جرح ایلدیکی ادعاسیله مظلون علیہ اولان قاسم پاشاده قولاقسز محله سنده حمام زقاعنده ما کیست غالب اوستنک خانه سنده اقامتله ترسانه حامرده قزغانچی اولدیغی بیان ایدن یکرمی بش یاشنده آستانه لی مصطفی بن احمدک جنایتله اتهامه دائر هیئت اتهامیه دن تنظیم قتلان مضبطه واستیناف مدعی عمومیلکی مأموریت علیہ سنک ۲ تموز سنه ۲۲۲ تاریخ و ۲۴۸ نومرولی اتهام نامه سی مع فقرات محکمه جنایتہ تودیع قلمغله بالمطالعه تفصیلاتی اولیابده طویلان ضبط نامه دن مستبان اوله جنی اوزره

اصول محاکمات جزائیہ قانوننک باب نایسنک فصل رابعنده محرر اولان معاملات ابتدائیہ بعد الایفا متهم مصطفانک اجرای محاکمہ سی ایچون ۳۲۳ سنه سی تشرین اولنک اون طقوزنجی کونی تعین قلندی .

یوم مذکورده متهم علی الاصول توقیف خانه دن کنوردیله رک وکیل مدافع کاظم افندی واستیناف مدعی عمومی معاو نلر ندن عزتلو سمیح بک ومدعی شخصی طویپک محمد موقع مخصوص لرنده حاضر اولدقاری حالدہ محاکمه صالونه چیقلدی .

علی هذا محاکمه علیه ووجهیه مباشرتله متهم مرقوم ایله وکیل مومی الهیہ اخطارات لازمه قانونیه ایفا قلندقدن صوکره هیئت اتهامیه مضبطه سیله اتهامه ضبط کاتیلرندن علی صائب افندی طرفندن قرائت اولندی .

مذکور مضبطه ده مظلون علیہ مصطفانک طویپک محمدی جرح ایله تعطیل عضویته سببیت ویرمش اولمسندن طولای اتهامه اوراق تحقیقه ده محرر دلائل وامارات کافی کورلمش وحرکتی قانون جزانک یوز یمش یدنجی ماده سی حکمنی مستلزم افعال جنائیہ دن بولمش اولدیغندن اولوجهه جنایتله اتهامه قرار ویرلدیکی محرر واهتمامه ده دخی مصطفانک مضبطه مذکورہ مندرجاتی وجهله اتهام ایلدیکی مسطررد .

اتهام نامه نک خلاصه سی جانب ریاستدن متهم مرقومه تفهیم وانب و معاون مومی الیه طرفندن دخی تشریح دعوی اولنسی معقب عندالجاوبه متهم مصطفی وقعه کیجہ سی ساعت اوج راده لرنده خانه سنه کیتمکده ایکن پروکار مصطفانک قهوه خانه سی اوکندن اثنای مرورنده قهوه خانه ده اوطور مقده اولان مدعی شخصی طویپک محمد ایله دیگر محمد وسائر طانیدینی کساندن ولی محمد کل قهوه ایچلم بولنده کی تکلیفه اجابت ایله قهوه خانه به کیروب اوطور دیغنده مدعی شخصی ایله مرقوم ولی محمدک منازعه به باشلادقاری کورده رک آره لرینه کیرمش وبوصرده کندوسی بیجاغندن مجروح اولمش ایدوکنی و مرقوم طویپک محمدی جرح ایتدیکنی بیان و عندالاستیضاح کندوسی بیحاق طاشیمدیغنی ومدعی شخصی به برکونه نفسانیق بولندیغنی ومنازعه لرنده دخی بیحاق کورمیدیکنی ومدعی شخصی طویپک محمدک انک قنایغندن و جرح اولدیغندن دخی معلوماتی بولنماش ایدوکنی وقهوه خانه بولنک اوزرنده بولنسی اجلدن آره صره کیدر اولدیغنی علاوه درمیان ایلدی .

مدعی شخصی طویپک محمد وقعه کیجہ سی ولی محمد نامندکی شخص ایله خانه سنه گمکده لر ایکن تصادف ایتدکری متهم مصطفی برلکده کیتلاری ایچون تکلیفاته بولنسی اوزرنه مرقوم ولی محمد

ممانعتله متهمدن آریله رق بالقچی عارفک دکانه کیروب برمدت صوکره دکاندن چیقه جقلاری صرده ده متهم مصطفی تکرار یاشنه بالورود قولیله باصدیله رق بوغازنی صیقار کی وضعت آتغله مرقومان ولی محمد و بالقچی عارف یتیشه رک کندوسی مرقومک الدن قورناردق لرینی وبالاخره پروکار مصطفانک قهوه خانه سنه کیدوب اوطور دقده بودفه دخی ورود ایش اولان متهم مصطفی بکا برقهوه اصارله دیو ولی محمد سولیمسیله و مرقومه اصارلارم فقط بوکیسنونده اویله دیو کندوسی کوسترمسیه کندوسیده بن کیدیورم دیدیکی ائنده متهم مرقومک اطاله لسانه سن صوص دیسنه جواباً مقابله ده بولنسی معقب حامل اولدیغنی صالدرمه سی کشیده ایدرک اوزرنه طوغری یوریدکده صندالیه یی آوب کندوسی محافظه به چالیشمش ایسه ده الدن صندالیه نک دوشمی اوزرنه تکرار هجومده اوزاتمش اولدیغنی انک باش پارمغه اوره رق جریحه دار ایلدیکی وپارمقلاری برندن قویدیغنی سویلدی .

علی هذا ضابطه عدلیه تقریری ومدعی شخصی طویپک محمد ایله متهم مصطفانک معاینه لر حای طیب راپوری ویک اوغلی توقیف خانه مدیریتمک مذکره سی اوقوتدیرلدی .

۲۱ کانون اول سنه ۳۲۲ تاریخی حای اولان قاسم پاشا قومیسرلکنک تقریرنده قاسم پاشاده ساکن طویپک محمدک اشبو کیجه ساعت ایکی بیحق راده لرنده صول الی پارمقلرندن مجروح اولدیغنی حالدہ کورلمکله استجوابنده زنجیری قیو جاده سنده مصطفانک قهوه خانه سی اوکنده سکر حال اوله رق اوطور مقده ایکن قزغانچی مصطفی ایله دیل منازعه سی ایتدکری صرده مرقوم طرفندن بیحاق کشیده سیله وقوعه بولان هجوم ائاشنده بیجاغه صارلدیغنده صول انک پارمقلرندن جریحه دار اولدیغنی وبر پارمغیده قطع ایلدیکی سویلش و جرح دخی فرار ایش اولدیغندن دردست تحری بولمش اولدیغنی اشعار ومدعی شخصی طویپک محمدک ایلک معاینه سی حای اولان ۲۳ کانون اول سنه ۳۲۲ تاریخی راپورده بر آت قاطعه ایله حصوله کیش وصول الی خضر و بنصر وسبابه واهام پارمغی برنجی مفصللاری وجهه قدامی اوزرنده بر بیحق ساتیمترو طولنده عمققلاری عظمه قدر درت عدد جرح ووسط پارمغی برنجی مفصلندن قطع اولنش اولدیغنی وصول معاینه یی حای ۹ مایس سنه ۳۲۳ تاریخی راپورده وسط پارمغی بسبتون قطع اولنهرق سرجه پارمغندن ماعدا اوج پارمغک دخی حرکات قابضه سنک درنده اوچنی ضایع ایدرک

درت آیده بیک ایکی یوز غروش اجرتله ایتیم ایلدیکی ومتم مصطفانک معاینه سی شامل اولان ۲۷ کانون اول سنه ۳۲۲ تاریخی راپورده دخی صول ساقی نلک سفای انسینده اوج بیحق ساتیمترو طولنده بر عدد جرحه مشاهده اولتوب بالتداوی اون کونده یوز غروش اجرتله ایتیم بولش ایدوکی ازار قلمش وتوقیف خانه مدیریتمک مذکره سنده جرح ماده سندن طولای ۳۰ کانون اول سنه ۳۲۲ تاریخیه توقیف آتته آتان مصطفی بن احمدک توقیف خانه نظامه مغایر حرکاتی تکرار ایش وکندوسی اشرای مشهوره دن اولدیغنی جهتله اصلا نصیحت قبول ایدر مقوله دن بولنماش اولدیغنه وایقاع ایتدیکی جرح فعلی جنایت نوعندن ایدوکنه مینی اوراقنک استیناف مدعی عمومی لکی مأموریت علیہ سنه ارسال قلندیغنی استخبار قلمسندن نانی مرقومک جنایت توقیف خانه سنه نقلی لازم کلدیکی مندرج بولنشدر .

قرائت اولان راپور وتقریر مندرجاتله مدعی شیخنک افادہ سنه قارشو نه دیه چکی متهم مصطفانک صورلدقده هیچ برنی قبول ایتم دیدی .

(مابعدی کله جک نسخه به)

یانی ضرب ایلدیکی تبیین ایدن خایمک اون کون مدتله حبسنه علقویه اطاله لسانده بولنات ماتیودن بر آلتون جزای نقدی آلمسنه بورکی به ناموسه طوقنور سوز سویلدیکی تبیین ایدن طلومبه یی اغا بولندن بر آلتون جزای نقدی استیفا سنه

پولیس قومیسری محمد فیهی افندی به اجرای مأموریت حالدہ تحقیر آمیز معامله ایلدیکی تبیین ایدن محمد توفیق افندی ایدی آلتون جزای نقدی آلمسنه مظهر افندی یی ضرب ایلدیکی ثابت اولان طلومبه یی اساعیلک اون بش کون مدتله حبسنه فستقچی حاجی احمدی ضرب ایدن آرابه یی اساعیلدن بر آلتون آله رق مضروبہ اعطاسنه خلاف تنیه اوزرنده سلاح طاشیدیغنی تبیین ایدن صادقندن بش بشلک جزای نقدی آلمسنه

علکسینک یوانی جرح ایتدیکی ثابت اولدیغندن اون کون مدتله حبسنه کورقورک اولغنی ضرب ایتدیکی ثابت اولدیغندن بر آلتون آله رق مضروبہ ویرلسنه

لفترک البسه سی سرققت ایتدیکی تبیین ایدن دیتمرتنک اوج ماه مدتله حبسنه و ختام مدت جزایه سنده ضابطه جه کفالتله ربطته

آرونک مرقادویه صارقتیلیق ایتدیکی ثابت اولدیغندن برماه مدتله حبسنه

نیقولی افندیکن یانی ضرب ایتدیکی ثابت اولدیغندن برلیرا آله رق یانی به اعطاسنه

آندریانک قسطنطی به اطاله لسان ایتدیکی ثابت اولدیغندن یارم آلتون جزای نقدی آلمسنه

محمد اغانک بغوصی ضرب ایتدیکی ثابت اولدیغندن ایکی لیرا آله رق بغوصه اعطاسنه

عباس اغانک رووولورنی سرققت ایتدیکی تبیین ایدن ممشک سابقه سی بولنسی جهتله اتی ماه مدتله حبسنه و ختام مدت جزایه سنده ضابطه جه کفالتله ربطته بک اوغلی بدایت محکمه سی جزا دائره سنجہ قرار ویرلشدر .

محاکمات ابتدائیہ

اورفه سنجای ناچی و بدایت محکمه سی رئیس نظیف افندیکن خلاف اصول وقانون حرکات ومعاملاته متجاسر اولدیغنی حلب وآطه ولایتلری عدلیه مفتش لکندن وارد اولان اوراق تحقیقه محتویاتندن مستبان اولسنه مینی مومی الیهک محاکمه آتته آلمسنه عدلیه نظارت جلیله سنجہ مأذونیت ویریلرک محله تبلیغات مقتضیه اجرا کیفیت محاکمه سندن طرف عالی مشیختناهی به ده معلومات اعطا قلمشدر .

مدرنی قضاسی بدایت محکمه سی مدعی عمومی معاونلکی وکالتنده بولنات پولیس خالد افندیکن مواد معینه ده خلاف اصول توقیف وتخلیه معاملاتنه متجاسر اولدیغنی قسطنطی ولایتی استیناف محکمه سی مدعی عمومیلکنندن وارد اولان اوراق تحقیقه مندرجاتندن مستبان اولسنه مینی مومی الیهک محاکمه آتته آلمسنه عدلیه نظارت جلیله سندن مأذونیت ویریلرک مذکور مدعی عمومیلک تبلیغات لازمه ایفا ایدلشدر .

اعلانات

نجات رسمیه حکم سنده

آقره ده مغازه سنده ساکن ایکن تجارت بخریه محکمه سندن افلاسنه حکم اولنش اولان و ذر سعادتده اقامتگاه تجاریسی بولنات آوراماکی یا بولونک خصوصات افلاسنه سنک رؤیت وتسویه سی ضمنتده

دعوی وکیللرندن مارقو ناحوم وایساق میرزاهی افندیلر اصالة سندیک تعین قلمش اولدقارندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً اوتوز بر کون ظرفنده سنداتی محکمه کاتبه تسلیم ایللری ومدت مذکورہ ختامندن صوکره اوج کونده یعنی ۳۲۳ سنه سی کانون نایسنک یکرمی طقوزنجی صالی اوتوزنجی چهارشنبه و اوتوزنجی پنجشنبه کونلری تجارت بخریه محکمه سنک مصالح افلاسنه رؤیته مخصوص اوطسنه کله رک سندیک افندیلر مواجهه سنده آله جقلرینی اثبات وقید وتصدیق ایتدیرملری ومدت مذکورده اثبات وجود ایدهمیان آله جقلولر حقتده قانون مذکورک ۲۱۰ نجی ماده سنه توقیفاً ایفای معامله اولنه جنی اعلان اولنور .

بک اوغلی بدایت محکمه سی ایکنجی مقوم دائره سنده : غلطه ده یعقوب خاننده مقیم خدمتکار مغربی هویکیان امضاسیله بک اوغلی بدایت محکمه سی ایکنجی حقوق دائره سنه ویریلان عرفخالده خندکده یازنجی زقاعنده ۶۵ نومروده مقیم بلا صنعت موسس اسدواز صادوریان ذمتنده برقطعه سند موجبجه مطلوبی اولان یتش عدد عثمانی لیراسنک مع فائض ومصارف محاکمه واجرت وکالت مرقوم ایله کفیللری ارمناق وادام اسدواز صادوریانندن تحصیلی طلب ودعوی اولنسی اوزرنه تنظیم و لاجل التبلیغ خدمه سنه تودیع قتلان ایکی قطعه دعوتنامه زیرلرینه مرقومان آرام وارمناقل محل مذکوری ترک ایدرک کیتدیکی والیوم نرده مقیم اولدیغنک مجهول ایدوکی غلطه کلیساسی مختاریله خدمه سی طرفندن شرح ویرلش وبناء علیه مرقومانک اقامتگاهی مجهول بولنش اولدیغندن اصول محاکمه حقوقیه قانوننک یکرمی التنجی ماده سنه توقیفاً دعوی مذکورہ نک اوجیوز یکرمی اوج سنه سی کانون نایسنک اون دردنجی بازار ایرتسی کونی رؤیت اولنه جفته دائر تنظیم قتلان دعوتنامه لرک محکمه دیوانخا نه سنه تعلیق اولندیغنی و مرقومان ارمناق وادام واسدواز صادوریان یوم مذکورده ساعت اتی راده لرنده محکمه ده بالذات اثبات وجود ایتدکری ویا طرفلرندن بروکیل کوندرمدکری حالدہ حقارنده معامله غیایه اجرا قلمه جنی اعلان اولنور .

در سعادت اعمومات نظامی اجرا دائره سنده : عمرافندیکن زعفرانبولی قضاسی بدایت محکمه سی حقوق دائره سندن معطی برقطعه اعلام غیایه

موجبجه دینی اولان مبالغت تأمین استیفا سی ایچون مدیون مومی الیهک عهده سنده اولوب حیز آلتنه آلدیرلش اولان محمود پاشاده جامع شریف حولیسنده واقع تخمیناً یوز قرق بش آرشون عرصه اوزرینه مبنی ایکی قاتدن عبارت درت اوطه وبرصفه و شهری اوچوز غروش ایجار کتوریر بر باب خانه ایله آلتنه واقع شهری یوز اوتوز غروش ایجارلو بر باب قهوه خانه نك نك حصه لرینك تاریخ اعلاندن اعتباراً اون بش کون صوکره بالمزایده فروخته تئبث اولنه جنی در سعادت اعلامات نظامیه اجرا دأثره سندن اعلان اولنور .

بک اوغلی بابت محکمه سی اجرا دأثره سنده :

یانقونک میشل غروش ذمتنده بک اوغلی برنجی حقوق محکمه سی اعلامیه محکوم به آله جنی اولان معلوم المقدار مبالغت تأمین استیفا سی ضمنتده مدیون مرقومک مالی اولوب حیز آلتنه آلتان و بالمزایده فروختی قرار گیر اولان قازمیر وشیاقدن معمول قوستوم تعبیر اولنور یکریمی یدی طاقم حاضر البسه نك بر موجب قرار غلطه ده آطه خانی دروننده مأموری مواجهه سنده بالمزایده فروخت اولنه جفندن طالب اولانلرک شهر حالک طقوزنجی چهارشنبه کونی ساعت بش راده لرنده محل مذکورده حاضر بولملری بک اوغلی بدایت محکمه سی اجرا دأثره سندن اعلان اولنور .

بروسه تجارت محکمه سنده :

بروسه ده محمود پاشا خاندن مقيم ایکن بروسه مرکز تجارت محکمه سندن افلاسنه حکم اولنش اولان دری تجارندن حلیم اغانک خصوصات افلاسیه سنک رؤیت و تسویه سی ضمنتده دعوی وکیللرندن نظمی بک ایله تجارندن وهی افندی اصالة سنديک تعیین قلمش اولدقلرندن مفلس مرقوم ذمتنده آله جنی اولانلرک قانونامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی بر کون ظرفنده سنداتی محکمه کاتبه تسلیم ایملری ومدت مذکوره ختامندن صوکره اوچ کونده یعنی ۳۳۳ سنه سی کانون نایسنک طقوزنجی چهارشنبه واونجی پنجشنبه واون برنجی جمعه ایرتسی کونلری محکمه مذکورده نك مصالح افلاسیه رؤیته مخصوص اوطه سنه کله رک سنديک افندیلر مواجهه سنده آله جققلرینی اثبات و تصدیق ایتدیرملری ومدت مذکورده ده اثبات وجود ایده میان آله جققلور حقتده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

قواله تجارت محکمه سنده :

قواله ده مانیفاطوره تجارتیه مشغول فراتللی نسیم شرکتک ۱ کانون اول سنه ۳۳۳ تاریخندن اعتباراً اعلان افلاسنه و مصالح افلاسیه نك رؤیت و تسویه سی ضمنتده اعضای محکمه دن رفعتلو استقان قره یورکی افندی نك ژوز قومیسر و دعوی وکیللرندن یروانت دده یان ویا قو ذکی افندیلرک موقت سنديک تعیینلرینه و مغازه سیله اشیای زائده بیتیه سنک تمهیرینه واوراق و دفاترینک جلبنه و کفالت معتبره ارا نه ایده مدیکی تقدیرده حبس و توقیف لرینه و بوباده کی قرارک موقتاً اجراسنه قواله تجارت محکمه سنده قرار ویرلش اولدیغندن قانونامه تجارتک ۱۷۰ نجی ماده سی موجبجه دائمی سنديک ر انتخاب اولنق اوزره اشبو ۳۳۳ سنه سی کانون نایسنک اونجی پنجشنبه کونی ساعت یدی راده لرنده اصحاب مطلوبک محکمه مذکورده نك مصالح افلاسیه رؤیته مخصوص اوطه سنه کللری اعلان اولنور .

بالیکسر تجارت محکمه سنده :

بالیکسر قره اوغلان محله سنده مقيم ایکن قره سی سنجانی تجارت محکمه سندن افلاسنه حکم اولنش اولان اتمکچی پاولی اوغلی اطناشک خصوصات افلاسیه سنک رؤیت و تسویه سی ضمنتده دعوی وکیللرندن اوخانس و تجارندن قریملی محمد و ساعتچی عبده افندیلر اصالة سنديک تعیین قلمش اولدقلرندن مفلس مرقوم ذمتنده آله جنی اولانلرک قانونامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی بر کون ظرفنده سنداتی محکمه کاتبه تسلیم ایملری ومدت مذکوره ختامندن صوکره اوچ کونده یعنی ۳۳۳ سنه سی کانون نایسنک طقوزنجی چهارشنبه واونجی پنجشنبه واون برنجی جمعه ایرتسی کونلری محکمه مذکورده نك مصالح افلاسیه رؤیته مخصوص اوطه سنه کله رک سنديک افندیلر مواجهه سنده آله جققلرینی اثبات و تصدیق ایتدیرملری ومدت مذکورده ده اثبات وجود ایده میان آله جققلور حقتده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

ازمیه سنجانی بابت محکمه سی اجرا دأثره سنده :

ازمیه ده قاسم بک نام دیگر یالی جامع شریف متولسی حافظ حسن افندی نك ازمیه تابع میخالیج قره سندن و تبعه دولت علیه دن چاقاکی یناکی ذمتنده بر قطعه اعلام نظامی موجبجه آله جنی اولان مبالغ معلومه نك تأمین استیفا سی ایچون مدیون

مرقومک قریه مرقومه ده آیزمه موقعنده کائن فوتی وطریق و آندونجه ودره ایله محدود بردونم وینه موقع مذکورده فوتی وطریق و یولجی اوغلی ویناکی حدودی ایله محدود دیگر بردونم وینه قریه مرقومه نك آرابه یولی موقعنده واقع یانی وکیلسیا یری ویناکی وینه یناکی حدودی ایله محدود ایکی دونم که جمعاً اوچ قطعه ترلانک بوکره حیز و فروختی قرارلشدیرلش اولدیغندن تاریخ اعلاندن اعتباراً اون بش کون صوکره بالمزایده فروخت اولنه جنی ازمیه سنجانی بدایت محکمه سی اجرا دأثره سندن اعلان اولنور .

جانیک بابت محکمه سی اجرا دأثره سنده :

صامسونک ارمنی محله سی ساکنلرندن ایکن الیوم اقامتگاه میجھول بولنان کریان مغردیج افندی نك صامسونک بغدادی بازارنده مقيم ازه کلیان آغوب افندی به ۱۴ شباط سنه ۳۱۷ تاریخلو سند موجبجه دینی اولدیغنی تین ایدن ایکی یوز اون درت عدد عثمانلو ایراسنک تاریخ سندن اعتباراً قرار تاریخچه قدر ۱۴ اغستوس سنه ۳۲۲ تاریخچه قدر گذشته سی اولان سکسان بش لیرا التمش چندک ضم ایله بالغ اولدیغنی ایکی یوز طقسان طقوز عدد لیرای عثمانی و التمش چندک بالتحصیل مدعی مرقومه اعطاسنه و حین ایفاسنه دکن رأس الماله قرار تاریخندن اعتباراً بشقه جه گذشته یوردیلسنه و صامسونک ارمنی محله سنده واقع و متوفی پدری کریاندن موروث معلوم الحدود بر باب خانه و عرصه و باغچه ده اولان حصه شایعه سی اوزرینه موضوع حیزک تصدیقنه و بیک سکر یوز اون ایکی غروش مصارف محاکمه نك مدیون مرقومه عائدیتنه دأثر جانیک بدایت محکمه سی حقوق دأثره سندن لاحق اولوب بعد التبلیغ موقع اجرا به وضع اولنش اولان ۲۷ کانون نانی سنه ۳۲۲ تاریخ و یوز نومرولی اعلام موجبجه اجرا قانوننک یکریمی طقوزنجی ماده سنده محرر اولدیغنی اوزره مدیون مرقومک طقسان بر کون ظرفنده جانیک بدایت محکمه سی اجرا دأثره سنده اثبات وجود ایده رک مبلغ محکوم به مذکورى مع گذشته و مصارف محاکمه تسویه ایتدیکی حالده خانه و عرصه و باغچه مجوزک اصولاً بالمزایده فروختیه ائمانندن تسویه دین ایتدیر یله جکی معلوم اولق و تبلیغ ایدلش عدا و لنق اوزره اشبو اخبار نامه نك اصلی دأثره اجرا دیوانخانه سنه تعلیق قلندی کی بر صورتک ده غرتله رله اعلاننه ایتدار قلندی .